

第四五冊

博物彙編

藝術典

醫部

(卷)
四七—四六

古今圖書集成

中華書局影印

古今圖書集成
醫部全錄
PDG

第四百七卷目錄

醫部彙考三百八十七

婦人胎前門三

方二 木香九 白朮散 鄭氏勝金散 生犀
角散 白朮散 赤箭九 麥門冬湯
羚羊角散 人參散 一母九 人參黃芪散
麥門冬散 紫苑湯 平安散 桑寄生散
加味理中湯 猪苓散 葵子湯 又方飲大
腹皮湯 丹溪方 又方 安榮散 桑寄生散
續斷湯 甘草小麥大棗湯 四製香附丸 胎
芎 補中湯 杜仲丸 枳實橫櫛九
白朮散 黃芪散 人參九 枳實橫櫛九
知母九 雄黃九 復元湯 紫蘇和氣散
子淋散 白朮散 加減當歸散 加減通氣
牛膝湯 加減紫苑湯 加減安胎湯 加減
秦尤散 加減五物湯 加減白朮散 加減
新鬼丹 泰山磐石散 歸脾湯 二陳湯 半夏
湯 人參養胃湯 歸脾湯 二陳湯 半夏
門冬散 通達散 鴨子散 胡連九 醒脾
飲子 清生石青湯 梔子太青湯 神方驗
胎散 艾醋湯 參橘散 保生湯 竹茹湯 半
艾四物湯 當歸寄生湯 地膚子湯 忘憂
散 溫胃散 理陰煎 保胎煎 左歸飲 右
枳殼湯 胎元飲 奇腎煎 左歸飲 右歸
飲 固陰煎 五福飲 化肝煎 紫蘇飲 五
味異功散 六味異功散 五陰煎 七福煎
煎 清化飲 四聖散 五物煎 決津煎
固胎煎 赤金豆

單方 鍼灸 醫案

藝術典第四百七卷

醫部彙考三百八十七

婦人胎前門三

方二

木香丸

治婦人有孕傷食

木香二錢 三稜 人參 白茯苓各三錢

右爲細末麝香丸如菜豆大熱水吞三四十丸

白朮散

治妊娠氣不調和飲食易傷

白朮炒 紫蘇各一兩 人參 白芷各七錢半

川芎 訶子皮 青皮各半兩 甘草二錢半

右爲末每服二錢水一盞薑三片煎至七分溫服

鄭氏勝金散

治妊婦因食傷胎傳於脾胃氣虛冷通小腹痛

或腰重大便祕

吳茱萸酒浸 陳皮 乾薑炮 生薑切焙

川芎各一錢半 炙甘草 厚朴薑製各三錢

右爲細末每服三錢陳米飲下入鹽煎尤妙濟生

方加砂仁

生犀角散

治妊娠卒中風不語四肢強直心神悞憤

生犀角屑 麻黃去節各一兩 防風 赤箭

羌活 當歸 人參 葛根 赤芍藥各七錢半

甘草炙 秦艽各半兩 石膏一兩半

右咬咀每服八錢煎服法如前

白蠟蠶散

治妊娠中風口噤心膈痰涎壅滯言語不得四肢

強直

白蠟蠶炒 天麻 獨活各一兩 龍腦二錢半

麻黃去節一兩半 犀角屑七錢半 白附子炮

半夏湯洗七次薑製 天南星炮 藿香各半兩

右爲細末入研藥令勻每服一錢生薑薄荷湯調

下不拘時日三服

赤箭丸

治妊娠中風手足不隨筋脈緩急言語謇澀皮膚

不仁

赤箭 草薺酒浸 麻黃去節 獨活 風粘子

熟地黃 羚羊角屑各一兩 當歸炒 阿膠炒

防風 芎藭 丹參 薏苡仁 五加皮 秦朮

漢防己 柏子仁 酸棗仁炒各七錢半

右爲細末煉蜜和搗三五百下丸如梧子大每服

三十九豆淋酒送下食前

白朮酒

治妊娠中風口噤語言不得

白朮一兩半 獨活一兩 黑豆一合炒

右細剉以酒三升煎取一升半去滓溫分四服口

噤者拗口灌之得汗即愈

羚羊角散

治妊娠冒悶角弓反張名曰子癇風痙

羚羊角銹 獨活 酸棗仁炒 五加皮 防風

薏苡仁炒 當歸酒浸 川芎 杏仁去皮尖

茯苓各五分 木香 甘草炙各二分

右薑水煎服

羌活酒

治妊娠中風瘰口噤四肢強直角弓反張

羌活一兩半 防風一兩 黑豆一合炒去皮

右三味爲咬咀好酒五升浸一宿每服用黑豆一合炒令熟投入藥酒一大盞候沸卽住去滓分二服灌之

大聖散

治妊娠怔忡睡裏多驚腹脅膨脹坐臥不寧

白茯苓 麥門冬 黃芪蜜炙 當歸酒浸

川芎各一錢半 木香 人參 甘草炙各一錢

右作一服水二鍾生薑五片煎至一鍾服無時

麥門冬湯

治妊娠心驚膽怯煩悶名曰子煩

麥門冬 白茯苓 防風各三錢 人參一錢半

右作一服水二鍾生薑五片淡竹葉十葉煎至一鍾去滓不拘時服

麥門冬散

治妊娠心煩憤悶虛躁吐逆惡聞食氣頭眩四肢沉重百節疼痛坐臥少起

麥門冬 子芩 赤茯苓各一兩 生地七錢半

人參 茯神 赤芍藥 陳皮 苦梗 桑寄生

甘草 旋覆花各半兩

右爲粗末每服四錢水一盞薑一錢煎至七分不拘時溫服

人參散

治妊娠熱氣乘於心脾津液枯少煩躁壅熱乾渴

人參 麥門冬 赤茯苓 地骨皮 家乾葛

黃芩 犀角屑各七錢半 甘草半兩

右咬咀每服三錢水一盞煎至六分去滓溫服

一母丸

治妊娠因服藥致胎氣不安有似虛煩不得臥卽

巢氏所謂子煩也

知母二兩

右爲細末以棗肉爲丸如彈子大每服一九煎人參湯送下

人參黃芪散

治妊娠身熱煩躁口乾食少

人參 黃芪 家葛根 麥門冬 赤茯苓

秦艽各一兩 知母七錢半 甘草半兩

右每服四錢薑水竹葉煎服

馬兜鈴散

治妊娠胎氣壅滯欬嗽喘急

馬兜鈴 桔梗 人參 甘草 貝母各半兩

陳皮去白 大腹皮 桑白皮 紫蘇各一兩

五味子二錢半

右咬咀每服四錢薑三片水煎

紫苑湯

治妊娠欬嗽不止胎不安

桔梗半兩 甘草 杏仁 桑白皮各二錢半

天門冬 紫苑各一兩

右咬咀每服三錢竹茹一團水煎去滓入蜜半匙再煎一二沸溫服

平安散

治妊娠上氣喘急大便不通嘔吐不食腹脅脹痛

川芎 木香各一錢半 陳皮 熟地黃 生薑 乾薑炮 厚朴去粗皮製 甘草各一錢

右作一服水二鍾入燒鹽一捻煎至一鍾不拘時服

柴胡飲

治妊娠瘧疾

柴胡 生大黃各二錢 生黃芩一錢五分

甘草一錢

右咬咀作一服水煎臨發日五更溫服必取利爲愈忌油麪辛熱等物

如胎上逼心可服枳殼散

加味理中湯

治虛寒泄瀉

人參 白朮 白芍藥 白茯苓 乾薑 黃連

藿香葉 木香 訶子肉 肉果 甘草各一錢

水二鍾生薑三片大棗二枚煎一鍾饑時服

豬苓散

療妊娠小便澀痛兼治胎水

豬苓五兩去皮

右爲末白湯調方寸匕加至二七日三夜二不澀宜轉下之服前藥

葵子湯

治妊娠得病六七日以上身熱入臟大小便不利

安胎除熱

葵子二升 滑石四兩碎

右以水五升煮取一升去滓盡服須臾當下便愈

又方

又方

治妊娠大小便不通心腹脹滿妨悶不欲飲食手足煩熱

檳榔 赤茯苓 大腹皮 木通 柳杏仁去皮
北五味各一兩 桑寄生 甘草 苦梗各半兩

右為粗末每服三錢水一盞煎至六分溫服
大腹皮湯

治妊娠大小便不通或赤澀

枳殼 大腹皮 赤茯苓各一兩 甘草二錢

右為末葱白湯調下二錢

丹溪方

治懷胎四箇月大小便閉因與通利冬葵子等藥
已通但氣未順此由性急血耗氣亂須和其氣滋
其血乃安

陳皮 青皮 芍藥各一錢 人參 當歸

川芎 生地黃 白朮半兩 茯苓 木通

甘草各二分

右水煎服

獨聖散

治妊娠小便不通

蔓荊子

右為末每服二錢食前濃煎葱白湯調下

獨聖湯

治婦人產後腹痛

當歸三錢

右為末水煎服

地膚大黃湯

療妊娠子淋宜下

川大黃 地膚草各三兩 知母 黃芩 猪苓
赤芍藥 通草 川升麻 枳實 甘草各二兩

右咬咀每服四錢水一盞煎七分去滓溫服

又方

療妊娠患淋小便澀不利小腹水道熱痛

冬葵子一升 芍藥二兩 黃芩 赤茯苓

車前子各三兩

右咬咀以水七升煎至二升溫分三服

又方

療妊娠數月小便淋瀝疼痛心煩悶亂不思飲食
瞿麥穗 赤茯苓 桑皮 木通 葵子各一兩

黃芩 芍藥 枳殼 車前子各半兩

右為粗末每服四錢水一盞煎至六分溫服

安樂散

治妊娠小便澀少遂成淋瀝

麥門冬 通草 滑石 人參 細辛各二錢

當歸酒浸 燈心 甘草各半兩

右為細末每服二錢不拘時麥門冬煎湯調服

桑螵蛸散

治妊娠小便不禁

桑螵蛸二十枚酒炙黃

右為細末每服二錢空心米飲調下或薑湯調下
亦可

續斷湯

治妊娠下血及尿血

當歸 生地各一兩 續斷半兩 赤芍藥二錢半

右為末空心葱白煎湯調下二錢

甘草小麥大棗湯

治婦人臟燥喜悲傷欲哭象如神靈所作數欠伸

甘草三兩 小麥一升 大棗十枚

右三味以水六升煮取三升溫分三服亦補脾氣

一方云產前產後皆可

淡竹茹湯

治妊婦心虛驚悸臟燥悲傷不止又治虛煩甚效

麥門冬去心 小麥 半夏湯泡各二兩半

人參 白茯苓各一兩半 甘草一兩

右到散每服四錢薑五片棗一枚淡竹茹一團如
指大同煎溫服

芎藭補中湯

治懷妊血氣虛弱不能衛養以致胎漏每四五月
而墮名曰半產

芎藭 五味子 阿膠蛤粉炒 乾薑炮各一錢

黃芪炙 當歸酒浸 白芍藥 白朮各一錢半

杜仲炒去絲 人參 木香 甘草炙各五分

右水二鍾煎至一鍾不拘時服一方無木香

杜仲丸

一名杜續丸治妊娠三兩箇月胎動不安腰痛防
其欲墮宜預服之

杜仲薑製炒去絲 續斷酒浸各二兩

右為末煮棗肉杵丸梧子大每服七十九米飲下

四製香附丸

治婦人數墮胎由氣不升降所以胎氣不固宜服
此

香附杵去毛淨一斤分四分一分酒浸一分酢浸一

分童便浸一分鹽水浸各浸七日取出焙乾

右爲細末酢煮糊和丸梧子大每服七十九空心

溫酒下如肥人只依本方瘦人加澤蘭葉赤茯苓

各二兩一方用香附子一斤艾葉四兩當歸一兩

俱用酢煮

安胎白朮散

治妊娠宿有冷胎瘵不長或失於將理傷胎多墮

此藥補榮衛養胎氣

白朮炒 川芎各一兩 吳茱萸湯泡半兩

甘草炙一兩半

右爲細末每服二錢食前溫酒調下忌生冷果實

黃芪散

主妊娠胎不長安胎和氣思食利四肢

黃芪 白朮 陳皮 麥門冬 白茯苓 前胡

人參各七錢半 川芎 甘草各半兩

右咬咀每服三錢水一盞薑三片棗一枚煎至七

分去滓溫服

人參丸

妊娠胎不長宜服此養胎

人參 白茯苓 當歸 柴胡 刺薊 厚朴

桑寄生各一兩 枳殼七錢半 甘草半兩

右爲細末煉蜜爲丸如梧子大每服二十九食前

溫水吞下

枳實檳榔丸

安胎養氣調和經候癥瘕痞塊有似孕婦可以久

服血氣通和

枳實生用 檳榔 黃連 黃蘗 黃芩 當歸

木香 阿膠炒灰研各半兩

右爲細末水和丸如小豆大每服三十九不拘時

用溫米湯送下

知母丸

治日月未足而痛如欲產者兼治產難及子煩

知母不拘多少

右爲細末煉蜜丸如雞頭大溫酒嚼下日三服一

方丸如梧子大粥飲下二十九或三十五九

雄黃丸

治妊娠是鬼胎致腹中黑血散下腹痛

雄黃細研 鬼臼去毛 莽草 丹砂細研

巴豆去皮心油 獾肝各半兩 蜥蜴一枚

蜈蚣一條並炙黃

右爲細末蜜丸如梧子大空心溫酒下二九日兩

服後當利如不利加至三九初下清水次下蟲如

馬尾狀無數病極者下蛇蟲或如蝦蟆卵雞子或

如白膏或如豆汁其病即除

復元湯

治妊婦嘔吐不止或頭痛全不思食左脉弱

當歸 川芎 白芍 人參 甘草炙各五錢

白朮 茯苓 陳皮各一兩半 丁香三錢

半夏薑湯泡一兩 桔梗 枳殼各二錢

右剉作十劑薑棗煎服

紫蘇和氣飲

治胎氣湊心或臨產驚恐氣結不下及胎前一切

諸疾

蘇梗 當歸 川芎 白芍 人參 陳皮

甘草 大腹皮

右剉生薑一二片葱白七根水煎服

若腹痛加香附木香

若欬嗽加枳殼桑白皮

若熱甚加黃芩

若嘔吐加砂仁

若泄瀉加白朮茯苓

若難產加枳殼香附車前子

一方無川芎名七寶散

子淋散

治妊娠小便澀痛頻數

麥門冬去心 大腹皮洗去沙薑汁拌炒 木通

赤茯苓 甘草 淡竹葉各味分兩隨宜

右剉水煎服

白朮散

定痛安胎

川芎 紫蘇葉 香附便製各一錢 甘草四分

歸身 白芍酒炒 前胡 烏藥 陳皮各八分

白朮土炒 竹茹 木香各五分

右剉水煎食遠服如兼腹痛加砂仁澤瀉

加減當歸散

治妊娠中惡

川芎 當歸 陳皮 吳茱萸 木香 香附

烏藥 甘草 前胡 葱白 砂仁 紫蘇葉

右剉一劑生薑五片煎服

加減通氣散

治妊娠腰腹背痛

當歸身 葱白 阿膠 茴香 杜仲 甘草

破故紙 陳皮 山藥 川芎 草薢 獨活

川續斷 香附 橘核 白芍 各味分兩隨宜

右剉水煎空心服如小腹痛加艾木香烏藥紫蘇
去橘核山藥茴香續斷草薢獨活破故紙

加減含公下氣湯

治妊娠心腹脹滿

白芍藥 陳皮 白茯苓 大腹皮 川芎

當歸 香附 前胡 厚朴 紫蘇梗 烏藥

木香各味分兩隨宜

右剉一劑空心服

加減安胎飲

治妊娠數墮胎

黃芪 甘草 人參 白朮 艾葉 當歸

川芎 熟地 續斷 茯苓 白芍 香附

陳皮 杜仲

右剉水煎空心服

加減牛膝湯

治妊娠羸弱不能養胎者用此下之

桂心 苦蕒 牛膝 瞿麥 川芎 歸稍

枳殼 甘草 童便 麥蘖各味分兩隨宜

右煎服

加減紫苑湯

止嗽安胎

黃芩 紫蘇 陳皮 五味 知母 杏仁

赤茯苓 當歸 麻黃 白朮 桑皮 甘草

貝母 前胡 紫苑

水煎服如喘加兜鈴腹皮款冬花

加減柴胡湯

治妊娠傷寒

柴胡 黃芩 乾葛 川芎 當歸 紫蘇

陳皮 葱白

水煎服

加減秦芫散

治妊娠時疫

秦芫 前胡 黃芩 枳殼 桔梗 山梔

柴胡 葛根 紫蘇 葱白 陳皮

水煎服

加減梔子五物湯

安胎清熱

葛根 柴胡 香薷 石膏 梔子 前胡

黃芩 葱白 麥冬 陳皮 知母 甘草

水煎服

加減白朮散

治妊娠霍亂

香薷 陳皮 厚朴 蒼朮 烏藥 藿香

砂仁 乾薑 竹茹 木瓜 人參 白朮

茯苓 甘草 豬苓 澤瀉

水煎服如心胃煩悶加炒黃連升麻

斬鬼丹

治鬼胎

吳茱萸 川烏 秦芫 柴胡 白殭蠶

水煎服

泰山磐石散

治婦人血氣兩虛或肥而不實或瘦而血熱或脾

肝素虛倦忘少食屢有墮胎之患

人參 黃芪 當歸 續斷 黃芩各一錢

川芎 白芍藥 熟地各八分 白朮二錢

炙甘草 砂仁各五分 糯米一撮

水一鍾半煎七分食遠服但覺有孕三五日常用

一服四月之後方無慮也

二陳湯

治中脘停痰妊娠惡阻等證

陳皮去白 茯苓 半夏各一錢 甘草炙五錢

右水煎服

半夏茯苓湯

治妊娠脾胃虛弱飲食不化嘔吐不止

半夏炮炒黃 陳皮去白 縮砂仁炒各一錢

白茯苓二錢 甘草炙五分

右用薑棗烏梅水煎服

人參養胃湯

治外感風寒內傷飲食寒熱頭疼或作瘧疾并妊

娠惡阻

半夏 厚朴製 橘紅各八分 藿香葉 草果

茯苓 人參各五分 甘草炙三分 蒼朮一錢

右薑七片烏梅一箇水煎服

歸脾湯

治妊娠驚結傷脾亦治發熱盜汗健忘怔忡驚悸

少寐

人參 白朮 白茯苓 黃芪炒 當歸 龍眼肉

遠志 酸棗仁炒各一錢 木香 炙甘草各五分

右薑棗水煎服本方加柴胡山梔名加味歸脾湯
加味小柴胡湯

治妊娠怒動肝火

柴胡二錢 黃芩一錢五分 人參一錢二分

半夏一錢 甘草炙五分 生地黃多少隨宜

右薑棗水煎服一方加山梔牡丹皮名柴胡山梔散

四七湯

治妊娠鬱結成痰

半夏薑汁製一錢五分 紫蘇葉 厚朴薑製

茯苓各一錢

右薑棗水煎

逍遙散

治肝脾血虛有熱少食多臥

甘草炙 當歸炒 芍藥酒炒 茯苓 柴胡

白朮炒各一錢

右水煎服

安胎飲

治妊娠五七箇月用數服可保全產

白朮 人參 當歸 川芎 熟地 白芍

陳皮 甘草 紫蘇 炙黃芩各一錢

右用薑水煎服

胡連丸

安胎聖藥

條芩沉水者四兩 砂仁微炒 甘草炙各一兩

白朮無油者 蓮肉去心各二兩

右共爲末外用山藥五兩作糊爲丸米飲下

天門冬飲_{正傳}

治子嗽

天門冬 紫菀茸 知母 桑白皮各一錢半

五味子 桔梗各一錢

右剉作一貼水煎服

雞黃散_{本事方}

治子痢赤白絞刺疼痛

烏雞卵一箇傾出清留黃 黃丹一錢

右入鷄子殼內攪勻厚紙糊口鹽泥固濟火煨研

爲末每取一錢米飲調下一服愈者是男二服愈

者是女

鴨子煎

治胎前產後赤白痢

生薑年少者百錢年老者二百錢搗取自然汁

鴨子一箇打破入薑汁內攪勻

右同煎至八分入蒲黃三錢再煎五七沸空心溫服立效

訶木散_{正傳}

治妊娠泄瀉由食生冷當風取涼所致

訶子皮 白朮各一錢半 陳皮 良薑 木香

白芍藥酒炒 肉豆蔻煨 甘草炙各一錢

右剉作一貼薑五片水煎服

醒脾飲子

治子瘧寒瘧

厚朴 草豆蔻研各五錢 乾薑三分 甘草二分

右剉作一貼入薑五片棗二枚同煎空心服

濟生石膏湯_丹

治妊娠熱瘧湯飲無度

石膏二錢 生地黃一錢 半夏 黃芩 人參

麥門冬 知母 乾葛各一錢 甘草五分

右剉作一貼入烏梅一箇同煎服

梔子大青湯_{綱目}

治妊娠熱病發狂變黑

黃芩 升麻 梔子各一錢 大青 杏仁各五分

右剉作一貼葱白三莖同煎服

神方驗胎散_{海藏方}

驗胎如神

真雀腦川芎一兩 當歸全用重一兩者只用七錢

右二味細末分作二服濃煎好艾湯一盞調下二

三時間覺腹臍微動仍頻即有胎也動罷即愈如

不是胎即不動如不覺效再煎紅花湯調下必有

神效

艾醋湯_{醫鑑}

驗胎有無如見

好醋 艾葉

右二味煮汁服半盞腹中大痛是孕不痛無孕

參橘散

一名人參橘皮湯治惡阻病嘔吐痰水口不入食

橘皮 赤茯苓各一錢半 麥門冬 白朮

厚朴 人參 甘草各一錢

右剉作一貼入薑十片青竹茹鷄子大筒煎服一

方用白茯苓橘紅無赤茯苓皮

保生湯_{良方}

治婦人月經不行身無病似病精神如故惡聞食

氣或但嗜一物或大吐或時吐清水此名惡阻宜服此

白朮 香附子 烏藥 橘紅各二錢 人參 甘草各一錢

右剉作一貼薑三片煎服

半夏茯苓湯

治惡阻病嘔吐心煩頭目眩運惡聞食氣飲食不進多臥少起百節煩疼羸瘦痰盛

半夏一錢半 赤茯苓 熟地各一錢 旋覆花

人參 白芍 川芎 桔梗 橘紅 甘草各七分

右剉作一貼入薑七片水煎服

芩連半夏湯

治惡阻病一身煩痛

黃芩一錢二分半 白朮 半夏各一錢 黃連

陳皮 當歸 梔子 枳殼 香附 人參

蒼朮 砂仁 甘草各五分 赤茯苓七分半

右剉作一貼入薑七片水煎服

歸元散

一名保元湯治惡阻口不入食

白朮 白茯苓 陳皮各一錢半 人參 砂仁

當歸 白芍 丁香 甘草各五分 半夏一錢

桔梗 枳殼各二分半

右剉作一貼入薑五片棗二枚水煎服

竹茹湯

治惡阻

青竹茹 麥冬各三錢 前胡二錢 橘皮一錢

蘆根十條

右剉作一貼水煎服

膠艾四物湯

治胎漏腹痛

熟地黃 當歸 川芎 白芍藥 阿膠炒珠

條芩 白朮 砂仁 艾葉 香附炒各一錢

右剉作一貼入糯米一撮水煎空心服

當歸寄生湯

治胎漏下血

人參 桑寄生 熟地黃 續斷各一錢半

當歸 川芎 白朮 艾葉各七分半

右剉作一貼水煎服

地膚子湯

治子淋

地膚子 車前子各一錢半 知母 白芍藥

赤茯苓 黃芩 枳殼各一錢 升麻 通草

甘草各七分

右剉作一貼水煎服

忘憂散

治子淋

琥珀爲末

右每半錢取萱草根一握煎湯調下

溫胃飲

治婦人臟寒惡嘔胎氣不安亦治產後脾氣虛寒

嘔吐食少腹痛

人參 白朮炒各一二錢或二兩 扁豆炒二錢

陳皮 炙甘草各一錢 當歸一二錢 勿用

乾薑炒焦一二三錢

水二鍾煎七分食遠溫服

理陰煎

治同上亦治產後陽虛中寒或外感寒邪以致心

腹痛嘔吐厥逆

熟地三五七錢或一二兩 炙甘草一二錢

當歸二三錢或五七錢 乾薑一二三錢炒黃色

水二鍾煎七分熱服或加肉桂一二錢

保險煎

治胎氣熱而不下亦治產後血熱淋瀝不止

生地 熟地 芍藥各二錢 山藥 川續斷

黃芩 黃蘗 生甘草各一錢

水二鍾煎七分食遠溫服

涼胎飲

治同上

生地 芍藥各二錢 黃芩 當歸各一二錢

甘草七分生 枳殼 石斛各一錢 茯苓錢半

水一鍾半煎七分食遠溫服如熱甚者加黃蘗一

二錢

枳殼湯

治胎漏或因事下血亦治惡阻進食和中及熱而

血虛胎動不安

枳殼炒 黃芩炙各半兩 白朮炒一兩

右爲末每服一錢白湯調下亦可

胎元飲

治婦人衝任失守胎元不安不固者隨證加減用

之或間日或二三日服一二劑

人參隨宜 當歸 杜仲 白芍藥各二錢

熱地二三錢 白朮一錢半 炙甘草一錢
陳皮七分無帶者不用

水二鍾煎七分食遠服

壽脾煎

一名攝管煎治妊娠心脾氣虛胎動不安

白朮二三錢 當歸 山藥各二錢 棗仁錢半

炙甘草一錢 遠志製三五分 乾薑炮一二錢

運肉去心炒二十粒 人參一二錢急者用一兩

水二鍾煎服

左歸飲

治肝腎不足胎動不安

熱地二三錢或一二兩 山藥 枸杞各二錢

炙甘草一錢 茯苓一錢半 山萸一二錢畏酸者少用

水二鍾煎七分食遠服

右歸飲

治同上亦治產婦虛火不歸元而發熱者

熟地用如前 枸杞 杜仲薑製各二錢 肉桂

甘草炙各一二錢 製附子一二三錢 山藥一錢

水二鍾煎七分食遠溫服

固陰煎

治同上亦治產後衝任受傷惡露不止

人參隨宜 熱地三五錢 山茱萸一錢半

遠志炒七分 山藥炒二錢 甘草炙一二錢

五味子十四粒 菟絲子炒香二三錢

水二鍾煎七分食遠溫服

五福飲

治氣血俱虛胎動不安

人參 熟地各隨宜 當歸二三錢 炙草一錢
白朮炒一錢半

右水二鍾煎七分食遠溫服

祕元煎

治脾腎氣虛胎動不安兼帶濁亦治衝任氣虛而

胎漏者

人參 金櫻子各一二錢 五味子十四粒

甘草炙一錢 遠志炒八分 山藥炒 芡實炒

棗仁炒搗碎各二錢 白朮炒 茯苓各錢半

水二鍾煎七分食遠服

菟絲煎

治同上

人參二三錢 山藥炒二錢 菟絲子炒四五錢

當歸 棗仁炒 茯苓各錢半 遠志肉製四分

炙甘草一錢或五分 鹿角霜為末四五匙

右用水一鍾半煎成加鹿角霜末調勻食前服

小和中飲

治妊娠氣滯脹滿

白扁豆炒 山楂肉各二錢 白茯苓 陳皮

厚朴各一錢五分 甘草五分

水一鍾半加生薑三五片煎服

解肝煎

治妊娠肝氣滯逆脹滿不安

陳皮 半夏 厚朴 茯苓各錢半 砂仁七分

蘇葉 芍藥各一錢

水一鍾半加生薑三五片煎服

化肝煎

治妊娠怒動肝氣兼火胎氣不安
青皮 陳皮 芍藥各二錢 梔子炒 丹皮

澤瀉各錢半 土貝母二三錢

水一鍾半煎七八分食遠溫服如血見下部者以

甘草代澤瀉

紫蘇飲

治妊娠失調胎氣不安上攻作痛名曰子懸或臨

產氣結不下等證

人參 甘草各半兩 大腹皮 川芎 白芍

陳皮 蘇葉 當歸各一兩

右每服一兩薑葱水煎服一方有香附無人參一

方無川芎名七寶散若肝脾氣虛而有火不安

者宜兼逍遙散若脾氣虛弱而不安者宜用四君

芎歸湯

五味異功散

治妊娠脾胃氣虛而惡阻者

人參 白朮炒 茯苓 炙甘草 陳皮各一錢

右加薑棗水煎服

六味異功散

治妊娠胃虛兼寒多嘔

人參二三錢 白朮 茯苓各二錢 陳皮

炙甘草各一錢 乾薑炒一二錢

水一鍾半煎服

和胃飲

治妊娠胃寒氣實胎氣上逼者

陳皮 厚朴薑製各一錢半 乾薑炮一二錢
炙甘草一錢

水鍾半煎七分溫服

五君子煎

治妊娠脾虛兼寒胎氣上逼

人參隨宜 白朮 茯苓各二錢 炙甘草一錢

乾薑炒黃一二錢

水一鍾半煎服

清化飲

治婦人產後因火發熱及血熱妄行陰虧諸大不清等證亦治妊娠血熱血漏

芍藥 麥冬各二錢 丹皮 茯苓 黃芩

生地各二三錢 石斛一錢

水一鍾半煎七分食遠溫服

四聖散

治漏胎下血

條芩 白朮 砂仁 阿膠各等分

右爲細末每服二錢艾湯調下一方有芍藥無阿膠按此方若改爲湯砂仁當減半

五陰煎

治妊娠脾腎兼虛而漏血者亦治產後陰虛

熟地五七錢或一兩 山藥炒 芍藥炒各二錢

扁豆炒二三錢 茯苓一錢半 五味子二十粒

人參隨宜 白朮炒 炙甘草各一二錢

水二鍾加蓮肉去心二十粒煎服

七福飲

治妊娠胎漏三焦氣血俱虛

人參 熟地各隨宜 當歸二三錢 炙甘草

棗仁各一錢 白朮炒一錢半 遠志製三五分

水二鍾煎七分食遠溫服

益母地黃湯

治從高墜下傷胎下血

生地 益母草各二錢 當歸 黃芪炒各一錢

右薑水煎服

續斷湯

治妊娠血虛微熱漏血尿血

當歸 生地黃各一兩 續斷 赤芍藥各半兩

右爲末每服二錢空心用葱白煎湯調下

五物煎

治產難及胎氣已動勢有難留

當歸三五七錢 熟地三四錢 芍藥二錢酒炒

川芎一錢 肉桂一二三錢

水一鍾半煎服

決津煎

治同上

當歸三五錢或一兩 澤瀉一錢半 牛膝二錢

肉桂一二錢 烏藥一錢 熟地二三錢或五七錢

水二鍾煎七分食前服如氣血虛不必用烏藥

固胎煎

治肝脾多火多滯而屢墮胎者

黃芩二錢 白朮一二錢 陳皮一錢 當歸

芍藥 阿膠各錢半 砂仁五分

水一鍾半煎服

赤金豆

一名八仙丹治鬼胎

巴霜去皮膜略去油一錢半 皂角炒微焦二錢

生附子切略炒燥 硃砂各二錢 輕粉一錢

丁香 木香 天竺黃各三錢

右爲末酢浸蒸餅爲丸蘿蔔子大以前硃砂爲衣

欲漸去者每服五七丸欲驟行者每服一二十九

用滾水或煎藥或薑酢茶蜜茴香史君煎湯爲引

送下若下多不止可飲冷水一二口即止蓋此藥

得熱則行得冷則止也

單方

安胎順氣香附子炒爲末濃煎紫蘇湯服一二錢或

加砂仁佐

妊婦胎動硃砂末一錢和雞子白三枚攪勻頓服胎

死即出未死即安

胎氣不安氣不升降嘔血酸水香附霍香甘草各一

錢爲末每服二錢入鹽少許沸湯服之煎

胎動不安或腰痛胎轉搶心下血不止或日月未足

而欲產並以菖蒲根搗汁一二升服之下金

妊娠胎動或腰痛或搶心或下血不止或倒產子死

腹中艾葉一雞子大酒四升煮二升分二服方

胎動迫心作痛艾葉雞子大以頭酢四升煎二升分

溫服子母

妊娠疾病胎不能安可下之取七月七日法糊四兩

水二大盞煎取一盞三分餘濾去滓分溫三服立下

又方用大麴五升清酒一斗煮二沸去查分五服隔

宿勿食但再服即下如糜母無疾苦

胎痛欲產日月未足者以全蛇蛻一條絹袋盛透腰

繫之千金

胎動不安腰痛或胎上搶心煩悶或下血葱白大者

二十草濃煮汁飲之胎未死即安已死即出神效

妊娠胎動或絞口溫服華佗方也

又方生麴餅研末水和絞汁溫服三升

妊娠胎動欲墮腹痛不可忍荳根二兩剉銀石器酒

水相半煎服妙

又方乾荷蒂一枚炙研糯米泔一鍾調服即安

妊娠腹痛燒車缸脂末納酒中隨意飲

胎動腹痛或下黃汁如漆如豆汁者野苧根金銀花

根各五錢水酒相半煎服

又方鹿角膠炒成珠作末以米飲調下二錢

又方用好銀煮取水著葱油食之佳

又方用苧根如足指大者一尺咬咀以水五升煮取

三升去查服或加生薑五片亦可丹溪云苧根大能

補陰而行滯血

妊娠胎動晝夜叫呼口噤臂寒及下重痢不息用艾

葉五兩以好酒五升同煮取四升去查更煎取一升

口閉者開口灌之藥下即瘥

妊娠無故下血不止阿膠三兩炙搗末酒一升半煎

令消一服愈

又方阿膠二兩搗末生地半斤搗取汁以清酒三升

絞汁分三服

因顛胎動欲漏砂仁皮炒令熱透爲末一錢或酒或

鹽湯下

胎漏下血不止用桃樹上乾不落桃子燒灰和水服

瘥本草云桃奴破血又治伏梁積氣

妊娠心痛用青竹茹一升酒二升煮取一升去渣分

溫頓服

又方用破雞子一枚酒調服之

妊娠胎動欲落腹中痛不可忍用上等銀一斤茅根

二兩去黑皮以水九升煮銀五升入清酒一升同煎

茅根取三升分三服立安

妊娠腰背痛反覆不得用鹿角長六寸燒令赤酒中

淬再燒再淬以角碎爲度取所淬酒飲之

孕婦腹內鍾鳴用鼠竈前後土爲細末研麝香酒調

下二錢立愈或不用酒亦可

妊娠中惡心腹絞急切痛如鬼擊之狀不可按摩或

吐血或衄血者用熟艾如拳大煮汁頓服

又方用鹽一盞水二鍾調和以冷水嚥之吐出即安

又方用竈心土爲末每二錢井水調服白湯調亦可

又方用男子貼體久染汗衣燒灰存性百沸湯調服

妊娠鼻衄用白茅花濃煎汁服

妊娠卒不得小便用杏仁一味去皮尖搗凡如菜豆

大燈心湯吞七丸立利

子淋小便數出少或熱疼及子煩用地膚子三兩細

切水四升煮取二升半去滓分三服日三次食盡

妊娠遺尿用益智仁爲末米飲下亦效

妊娠臟燥自悲自哭自笑用紅棗燒存性米飲調下

妊娠下血不止疼痛用家雞翎燒灰細研溫酒調下

二錢如人行五里再服以效爲度亦治小便不禁

又方用香附子爲末米飲調下

婦人懷胎不長用鯉魚長一尺者去腸肚鱗以水浸

妊娠月數未足腹痛如欲產用梁上塵竈突煤同爲

末空心溫酒服方寸匕

臨產下痢梔子燒研空心熱酒服一匙甚者不過五

服

妊娠溺澀蕪菁子末水服方寸匕日二服

病欲去胎雞子一枚入鹽三四撮服

妊娠子淋不得小便滑石末水和貼臍下二寸

孕婦熱淋車前子五兩葵根切一升以水五升煎取

一升半分三服以利爲度

子癇昏冒縮砂和皮炒黑熱酒調下二錢不飲酒者

米飲下安胎止痛其效不可盡述

孕婦欬嗽貝母去心炒黃爲末沙糖和丸芡子大

每含嚥二十九神效

跌撲舉重損胎不安腹中疼痛腰重或子死腹中不

出者芎藭爲末酒服方寸匕須臾一二服立愈

六七月後孕動困爲難救者葱白一大握水三升煎

一升去查頓服

胎動不安墮在須臾者用川芎二兩葱白五兩水三

椀煮二椀半分三服

胎損腹痛冬麻子一升杵熬香水二升煮汁分服

漏胎下血蓮房燒研麝香九梧子大每服百丸湯酒

任下日二服

子死腹中月數未足母欲昏絕者用大黑豆三升以

酢煮濃汁頓服立出

妊娠吐衄不止馬錢末濃米飲服半錢

桑寄生能安胎令胎牢固或煎服或爲末服並佳

錢入金銀一錢煎服

妊娠尿血豆醬一大盞熬乾生地黃二兩爲末每服

一錢米飲下

普濟方

胎動下血或胎已死百草霜二錢樓灰一錢伏龍肝

五錢爲末每服一二錢白湯入酒及童尿調下

雜興方

類檀墮胎或三四月即墮者於兩月前以杜仲八兩

糯米煎湯浸透炒去絲續斷二兩酒浸焙乾爲末以

山藥五六兩爲末作糊丸梧子大每服五十丸空心

米飲下

本草

又方用杜仲焙研棗肉爲丸糯米飲下

簡便方

妊娠風寒卒中不省人事狀如中風用熟艾三兩米

酢炒極熱以絹包熨臍下良久即甦

婦人良方

妊娠浮腫羌活蘿蔔子同炒香只取羌活爲末每服

三錢溫酒調下一日一服二日二服三日三服

本事方

孕婦漏胎五倍子末酒服二錢神效

集驗方

妊娠尿血取夫爪甲燒灰酒服

千金方

婦人血崩鯽魚一箇長五寸者去腸入血竭乳香在

內綿包燒存性研末每服二錢熱酒調下

痛元方

婦人胎動妊娠因夫所動因絕以竹瀝飲一升立愈

頻頻飲之大治子煩

產道方

妊娠漏胎下血不止用生地黃汁一升漬酒四合煮

三合五沸服之不止又服亦治子煩

外臺方

又方用生地黃爲末酒服方寸匕日一夜一或加乾

薑亦妙

又方用生地熟地等分爲末每服半兩白木枳殼煎

湯空心調下日二服

又方用雞子黃十四枚以好酒二升煮如餒服之未

瘥再作以瘥爲度

普濟方

又方鹿角屑當歸各半兩水三盞煎減半頓服不過

二服

妊娠腰痛鹿角截五寸長燒赤投一升酒中又燒又

浸如此數次細研空心酒服方寸匕

產寶方

孕婦子上衝心取蒲荷或根亦可濃煮汁飲之即下

而其胎亦安

本草

妊娠尿血阿膠炒黃爲末食前粥飲下二錢

聖惠方

妊娠血痢阿膠二兩酒一升半煮一升頓服

本草方

妊娠胎動用阿膠炒熟艾葉各二兩葱白一升水四

升煮一升分服

妊娠下血黃明膠二兩酒煮化頓服之

肘後方

妊娠下痢中衣帶三寸燒研水服

千金方

妊娠去胎麥蘖一升蜜一升服之即下

轉胞尿閉用葱白細切和鹽炒熱熨臍下立通

入門方

轉胞尿閉脹急令產婆香油塗手自產門入托起其

胞則尿出如注脹急即解

丹溪方

又方將孕婦倒豎起則尿自出亦妙

妊娠心腹絞痛大紅棗十四枚燒焦爲末以小便服

之

海師方

妊娠吐酸水心腹痛不能飲食人參乾薑炮等分爲

末以生地黃汁和丸梧子大每服五十九丸米飲下

局方

婦人虛羸有鬼胎癥瘕經候不通芫花根三兩剉炒

黃爲末每服一錢桃仁煎湯調下當利惡物而愈

聖惠方

孕婦用洪州烏藥軟白香薷者五錢水一盞牛皮膠

一片同煎至七分溫服

聖惠方

又方薤白仁煮汁飲之

腹中兒哭黃連煎濃汁母常呷之

婦氏補遺方

因驚胎動出血取黃連末酒服方寸匕日三服

妊娠子煩口乾不得臥黃連末每服一錢粥飲下或

酒蒸黃連丸亦妙

本草

病篤去胎蟲十枚炙搗爲末酒服胎即下

聖惠方

溫養胎氣胎至九月用豬肚一枚如常著五味煮食

至盡

千金方

轉女爲男取弓弩弦一枚絳囊盛帶婦人左臂

又方取雄黃一兩絳囊盛帶之要女者帶雌黃

又方以斧一柄於產婦臥牀下置之仍繫刃向下勿

令人知

又方婦人始覺有孕用原蠶尿一錢井華水服之日

三

本草

鍼灸

金匱要略曰婦人傷胎懷身腹滿不得小便從腰以下重如有水氣狀懷身七月太陰當養不養此心氣實當刺瀉勞宮及關元二穴小便微利則愈

甲乙經曰乳子下赤白帶腰俞主之

婦人乳餘疾育門主之

千金方曰妊娠三月胎欲墮灸膝下一寸七壯

妊娠一月足厥陰脈養二月足少陽脈養三月手心主脈養四月手少陽脈養五月足太陰脈養六月足

陽明脉養七月手太陰脉養八月手陽明脉養九月足少陰脉養凡逐月養胎之脉當其時俱不可針灸醫學入門曰孕婦不宜針合谷三陰交

婦人將產預先胎破惡水長流坐草早無血可養枯竭刺獨陰五分在足小指第三節間承陰一寸五分丹溪心法曰妊孕寒熱往來欬嗽血痰或嘔吐不食無力或喘滿乳脊相應痛或口中唾如霜雪出語無聲或耳鳴或痰涎日夜數碗誤用熱藥之故也刺風門魄戶各五分支溝間使各透如寒熱未解百節癱瘓昏憤再取絕骨五分太谿三分如脉氣未平瀉太淵太白各二分熱府未詳已上穴實瀉虛補治產前病立效此病安後半年必有一變四肢消瘦腹腫脹即取陰交一穴去其惡物也

醫案

儒門事親曰戴人過東杞一婦人病大便燥結小便淋瀝半生不娠惟常服疎導之藥則大便通利暫廢藥則結滯忽得孕至四五月間醫者禁疎導之藥大便依常為難臨產則力努為之胎墜凡如此胎墜者三又孕已經三四月弦望前後洩瀉結澀甘分胎墜乃訪戴人戴人診其兩手脉俱滑大脉雖滑大以其且妊不敢陡攻遂以食療之用花蘇煮菠菱葵菜以車前子苗作如雜猪羊血作美食之牛載居然生子

其婦燥病方愈

劉先生妻有娠半年因傷損下血乞藥於戴人戴人診之以三和湯一名玉燭散承氣湯四物湯對停加砂硝煎之下數行痛如手拈下血亦止

一婦人年四十餘得孕自以為年衰多病故疾復作以告醫氏醫者不察加燔針於臍兩旁又以毒藥攻磨轉覺腹痛食減形羸已在牀枕來問戴人戴人診其脉曰六脉皆平惟右尺洪大有力此孕脉也兼擇食為孕無疑左右皆笑之不數月生一女子兩目下各有燔針痕幾喪其明凡治病婦當先問娠不可倉卒

鬚王之妻病臍下積塊嘔食面黃肌瘦而不月或謂之乾血氣治之無效戴人見之曰孕也其人不信再三求治於戴人與之平藥以應其意終不肯下毒藥後月到果胎也人問何以別之戴人曰尺脉洪大也素問陰陽別論所謂陰搏陽別之脉

朱震亨心法曰一婦人孕三月吐痰水并飲食每日寅卯作時覺少腹有氣衝上然後膈滿而吐面赤微躁頭眩臥不起牀四肢微渴此肝火挾衝脉之火衝上也一日甚一日輕脉和右寸脉洪大百藥不效者將二月偶用沉香磨水化抱龍丸一服膈寬氣不上衝二三服吐止眩減食進而安

應氏婦得胎七月嘈雜吐食胎墮心下滿塞氣攻背兩肘皆痛要人不住手以熱物摩熨得吐稍疎脉洪大用黃芩二錢半炒黃連一錢炒白朮半夏各二錢炙甘草砂仁各五分陳皮當歸山梔枳殼香附人參蒼朮各一錢茯苓一錢半生薑七片服二貼後嘈

雜吐止心滿塞退但於夜間背肘痛用摩熨遂與抱龍丸化服其疾如失

一婦人年近三十懷孕兩個月病嘔吐頭眩自覺不可禁持以人參白朮川芎陳皮茯苓等藥服五七日愈覺沉重名予脉之兩手弦左為甚而且弱予曰此是惡阻病必怒氣所激問之果然肝氣既逆又挾胎氣參朮之補大非所宜教以時用茯苓湯下抑青丸二十四粒五貼自覺稍安診其脉略有數狀自言口乾苦稍食粥則口酸予意其為膈間滯氣未盡行教全以川芎陳皮山梔枳苓生薑煎湯下抑青丸十五粒十餘貼餘證皆平但食及常時之半食後覺口酸不食覺易饑予謂肝熱未平則以白湯下抑青丸二十粒二十日而安予又脉之見其兩手脉雖和平而右手弱甚此胎必墮此時肝氣既平參朮可用矣遂用始初參朮等藥補之預防墮胎已後之虛服之一月胎自墮却得平穩無事抑青丸一味黃連為丸是也

一婦人懷妊六月發癩手足揚直面紫黑色合眼涎出昏憤不省人事半時而醒醫與震靈丹五十餘貼其疾時作時止無減證直至臨產方自愈產一女孺中子母皆安次年其夫疑丹毒必作求治之診其脉浮取弦重取濇按至骨則沉實帶數時正二月因未見其癩發之狀未敢與藥意其舊年癩發時乃五月欲待其時度此疾必作當審諦施治至五月半其疾果作皆是已午兩時遂教以自製防風通聖散用生甘草加桃仁多紅花少或服或吐至四五劑疾漸疎而輕後發為疥而愈

朱宅婦人三十餘歲懷胎四箇月大小便閉因與通利冬葵子等藥已通但氣未順此由性急血耗氣亂用和氣滋血之藥乃安

一婦人四十一歲妊孕九箇月轉胞小便不出三日矣下急脚腫不堪存活來告急予往視之見其形瘁脈之右瀉而左稍和此傷食而氣傷胎系弱不能自舉而下墜壓著膀胱偏在一邊氣急為其所閉所以水竅不能出也轉胞之病大率如此予遂製一方補血養氣血氣既正胎系自舉則不下墜方有安之理遂用人參當歸身尾白芍藥白朮帶白陳皮炙甘草半夏生薑煎濃湯與四貼任其頻啜至次早又與四貼藥查作一貼煎令頓飲之探喉令吐出此藥湯小使立通皆黑水後就此方加大腹皮枳殼青葱葉縮砂仁二十貼與之以防產前後之虛果得就蓐平安產後亦健

一婦人妊娠七八箇月患小便不通百醫不能利轉加急脹診其脈細弱予意其血氣虛弱不能承載其胎故胎重墜下壓住膀胱下口因此溺不得出若服補藥升扶胎起則自下藥力未至愈加急滿遂令一老婦用香油塗手自產門入托起其胎溺出如注脹急頓解一面却以人參黃芪升麻大劑煮服或少有急滿仍用手托放取溺如此三日後胎漸起小便如故

一婦人有孕至三月必墮予教以濃煎白朮湯調黃芩末二錢服三四十貼遂得保全蓋孕至三月正屬相火所以易墮不然何以黃芩曰朮為安胎妙藥耶一婦年三十餘或經住或成形未具其胎必墮察其

性急多怒色黑氣實此相火太盛不能生氣化胎反食氣傷精故也因令住經第二月用黃芩白朮當歸甘草服至三月盡止藥後生一子

明醫雜著曰吾妻嘗胎漏忽一日血大崩遂運去服童便而醒少頃復運急煎服刺芥隨醒隨運服止血止運之藥不效忽然嘔吐予以童便藥汁滿於胃脘也復以手探吐之少頃吐出米飯及蕪菜碗許詢問其故適方午飯後著惱故即崩而不止予悟曰因方飽食胃氣不行故崩甚血既大崩胃氣益虛而不能運化宜平服藥無效也急宜調理脾胃遂用白朮五錢陳皮麥芽各二錢煎服之服未半而運止再服而崩止遂專理脾胃服十數劑胃氣始還然後加血藥服之而安若不審知食滯而專用血崩血運之藥豈不誤哉大凡醫者治諸病證須時常察其有無飲食傷積否但見其胃脘飽悶嘔吐噎氣噤酸腹痛腸泄惡食少食便問曾何飲食審知傷積即便先調其脾胃消導飲食然後用本病藥治之或於本病藥內加入消導飲食藥若不審知此則用藥雖對證而不獲效蓋人以脾胃為主胃氣自傷則不能運化藥味以成功也亦有飲食之後即藥或服藥之後即睡或有服藥太多謂之傷藥要須識此

薛己醫按曰一妊婦嘔吐惡食體倦嗜臥此胃氣虛而惡阻也用人參橘皮湯二劑漸愈又用六君加紫蘇一劑而安
一妊婦吞酸惡心時欲作嘔此因脾胃虛而飲食停滯用六君加枳殼香附治之而愈
一妊婦嘔吐脅脹或寒熱往來面色青黃此木旺而

尅脾土用六君子加柴胡枳梗枳殼而安
一妊婦嘔吐酸水胃滿不食此脾土虛而肝木所侮用六君子加芍藥而愈又用四君子加枳殼枳梗而安

一妊婦胃腹膨脹吐痰不食此脾胃虛而飲食為痰用半夏茯苓湯漸愈又用六君子加枳殼蘇梗枳梗而飲食如常後因恚怒脅脹不食吐痰惡心用半夏茯苓湯加柴胡山梔而愈

一妊婦內熱晡熱或兼寒熱飲食少思其胎或下墜或上攻此肝經血虛而火動耳先用加味逍遙散數劑次用六君子加柴胡枳殼各數劑而愈
一婦人胎及六月形體倦怠飲食少思勞役便血胎動不安用六君生熟地升麻柴胡而愈

一妊婦下血服涼血之藥下血益甚食少體倦此脾氣虛而不能攝血余用補中益氣湯而愈後因怒而寒熱其血仍下此肝火旺而血沸騰用加味逍遙散血止用補中益氣湯而安

一妊婦下血發熱作渴食少體倦屬脾氣虛而為肝火所侮用四君子加柴胡山梔血止因怒復作用六君子加柴胡山梔升麻而安

一妊婦三月其經月來三五次但不多飲食精神如故此血盛有餘兒大能飲自不來矣果然

一妊婦六月每怒下血甚至寒熱頭痛脅脹腹疼作嘔少食余謂寒熱頭痛乃肝火上衝脅脹腹疼乃肝氣不行作嘔少食乃肝侮脾胃小便下血乃肝火血熱用小柴胡加芍藥炒黑山梔茯苓白朮而愈

一妊婦六月體倦食少勞役下血用六君子加當歸

熱地升麻柴胡而愈

一妊婦每因悲怒其胎上逼左關脉弦洪乃肝火內動用小柴胡加茯苓枳殼山梔而愈但體倦不食用六君子調養脾土加柴胡枳殼調和肝氣乃瘥

一妊婦胎上逼胃滿噯氣飲食少思此脾氣鬱滯用紫蘇飲頓安又用四君子加枳殼柴胡山梔而瘥

一妊婦因怒胃膈不利飲食少思服消導順氣之劑脾胃愈弱飲食愈少大便不實且無度久而便黃水或帶白視其面色黃中隱白余曰黃色脾虛也白色肺虛也朝以補中益氣湯升補胃氣夕以六君子培補脾氣而愈

一妊婦因怒寒熱往來內熱晡熱脅痛嘔吐胎至八月而不長此因肝脾鬱怒所致用六君子加柴胡山梔枳殼紫蘇桔梗病愈而胎亦長矣

鴻臚張淑人痢疾後胎動心神不安肢體殊倦用八珍散二十餘劑漸愈因勞加煩熱頭痛以大劑補中益氣湯加蔓荊子治之熱痛頓止仍用前散又五十餘劑而安其後生產甚易

一婦人每胎三四箇月作痛欲墮余以為痛胎用當歸二錢熟地黃三錢而愈

一妊婦八月胎欲墜如產臥久少安日哺益甚此氣血虛弱朝用補中益氣湯加茯苓半夏隨愈更以八珍湯調理而安

一妊婦氣喘痰甚諸藥不效素有帶下始於目下浮腫兩月餘其面亦然此氣虛而有痰飲也用六味丸數劑而愈

一妊婦嗽則便自出此肺腎之氣不足不能司攝用

補中益氣以培土金六味丸加五味以生腎氣愈

一妊婦小腹作痛其胎不安氣攻左右或時逆上小便不利用小柴胡湯加青皮山梔清肝火而愈後因怒小腹脹滿小便不利水道重墜胎仍不安此亦肝木熾盛所致用龍膽瀉肝湯一劑諸證頓愈乃以四君子加柴胡升麻以培脾土而安

一妊婦飲食停滯心腹脹滿或用人參養胃湯加青皮山梔枳殼其脹益甚其胎上攻惡心不食右關脉浮大按之則弦此脾土不足為肝木所侮余用六君子加柴胡升麻而愈後小腹痞悶用補中益氣湯升舉脾氣乃瘥

一妊婦因怒吐血塊四日不止兩脅脹痛小便淋瀝此怒而血畜於上隨火出也脅脹腹痛小便淋瀝肝經本病也用小柴胡合四物四劑血止用六君子安胎飲調理而安

一妊婦胎六月體倦懶食面黃晡熱而胎不長因勞欲墜此脾氣不足也用八珍湯倍加參朮茯苓三十餘劑脾胃漸健而長矣

一妊婦四肢不能伸屈風燥濕之劑遺尿痰甚四肢抽搐余謂肝火血燥用八珍湯加炒黑黃芩為佐以鈞藤湯而安後因怒前證復作小便下血寒熱少寐飲食少思用鈞藤散加山梔柴胡而血止用加味逍遙散寒熱退而得寐用六君子湯加芍藥鈞藤飲食進而漸安

一婦人素勤苦月經不調或寒熱姙娠五月兩臂或拘急或緩縱此肝火傷血所致也用四物加柴胡山梔丹皮鈞藤鈎治之而愈

一妊婦三月飲食後因怒患瘧連吐三次用藿香正氣散二劑隨用安胎飲一劑而愈後因怒痰甚狂言發熱胃脹手按少得此肝脾氣滯用加味逍遙散加川芎二劑頓退四劑而安

一妊婦霍亂已止但不進飲食口內味酸泛行消導寬中余曰此胃氣傷而虛熱也當用四君子湯彼不信乃用人參養胃湯嘔吐酸水其胎不安是藥復傷也仍與四君子湯俾前熱令患者先喫藥氣不作嘔則呷少許恐復嘔則胎為鈎動也如是旬餘而愈

邊太常側室姙娠泄瀉自用枳朮黃連之類腹悶吐痰發熱惡寒飲食到口即欲作嘔強匙許即吞酸不快欲用祛痰理氣之藥余曰此因脾胃傷而痰滯中脘若治痰氣復傷脾胃矣遂以參朮炮薑為末丸如黍粒不時嚙嚥三五丸漸加至三日後日進六君子湯而尋愈

進士王繳徵之內懷妊泄瀉惡食作嘔余曰脾氣傷也其君憂之強進米飲余謂飲亦能傷胃且不必強俟脾胃醒宿滯自化飲食自進不信別用人參養胃湯飲之吐水酸苦又欲投降火寒藥余曰若然則胃氣益傷也經云損其脾胃者調其飲食適其寒溫後不藥果愈

地官胡成甫之內妊婦久痢自用消導理氣之劑腹內重墜胎氣不安又用阿膠艾葉之類不應余曰腹重墜下元氣虛也胎動不安內熱盛也遂用補中益氣湯而安又用六君子湯全愈

主政王天成之內妊婦痢疾愈後二便不通其家世醫自用清熱之劑未效余診其脉浮大而滑此氣血

氣散二劑隨用安胎飲一劑而愈後因怒痰甚狂言發熱胃脹手按少得此肝脾氣滯用加味逍遙散加川芎二劑頓退四劑而安

虛也朝用八珍湯加桃仁杏仁夕用加味逍遙散加車前子而瘥

司徒李杏岡仲子室孕五月小便不利諸藥不應余曰非八味丸不能救不信別用分利之藥肚腹腫脹以致不起

儒者王文遠室妊娠小便不利小腹腫脹幾至於殆用八味丸一服小便滴瀝再以前丸之料加車前子一劑即利肚腹腫脹頓消而安

一婦人每怒發熱脅脹小便淋瀝如遇經行旬餘未已受胎三月因怒前證復作朝用加味逍遙散夕用安胎飲各二劑而安五月又怒復下血如經行四日未止仍用前藥而愈

一妊婦遺尿內熱肝脈洪數按之微弱或兩太陽作痛脅肋作脹余以爲肝火血虛用加味逍遙散六味地黃丸尋愈後又寒熱或發熱或寒怒前證仍作用八珍散逍遙散兼服以清肝火養肝血而瘥

一妊婦因怒尿血內熱作渴寒熱往來胃乳間作脹飲食少思肝脈弦弱此肝經血虛而熱也用加味逍遙散六味地黃丸兼服漸愈又用八珍湯加柴胡丹皮山梔而瘥

一妊婦每胎至五月肢體倦怠飲食無味先兩足腫漸至遍身後及頭面此是脾肺氣虛朝用補中益氣夕用六君子加蘇梗而愈凡治妊娠母泥月數但見某經證即用本藥爲善

一妊婦因停食服枳朮丸胃腹不利飲食益少更服消導寬中之劑其胎下墜予謂此脾氣虛而不能承載也用補中益氣及六君子湯中氣漸健其胎漸安

又用八珍湯加柴胡升麻調理而瘥

一妊婦無故自悲用大棗湯二劑而愈後復患又用前湯佐以四君子加山梔而安

一妊婦悲哀煩躁其夫詢之云我無故但自欲悲耳用淡竹茹湯爲主佐以八珍湯而安

一妊婦發熱作渴遍身骨節作痛用仙方活命飲二劑諸證稍愈至十一日出痘百餘顆形氣甚倦用紫草木香散又出少許但口乾作渴用人參白朮散而渴止用八珍湯加柴胡丹皮而貫膿後去丹皮柴胡倍加參芪數劑而痘瘡

一婦八月胎下墜或動面黃體倦飲食少思此脾氣虛弱用補中益氣湯倍以白朮加蘇梗三十餘劑而安產後眩運胃滿欬嗽用四物湯加茯苓半夏桔梗而愈

證治準繩曰湯總戎夫人妊娠病痢不止壹仙翁診其脈虛而滑兩關若濇此由胎氣不和相火炎上而有熱似痢實非也乃用黃芩白朮以安胎四物生地黃以調血數劑而安

博陵醫之神者曰郝翁士人陳堯遵妻病衆醫以爲勞傷郝曰亟屏藥是爲姪證且賀君得男子已而果然

又二婦人姪一啗嚙不能言郝曰兒胎大經壅兒生經行則言矣不可毒以藥一極壯健郝診其脈曰母氣已死所以生者反恃兒氣耳如期子生母死

一婦暴渴惟飲五味汁名醫取隔診其脈曰此血欲凝非疾也已而果孕古方有血欲凝而渴飲五味之證不可不知也

潘環診虞部員外郎張威之妻孕五歲南陵尉富昌齡妻孕二歲團使劉彝孫妾乃十有四月皆未育溫

規視之曰疾也凡醫妄以爲有孕耳於是與破血攻毒大劑飲之虞部妻下肉塊百餘有眉目狀昌齡妻夢二童子色漆黑倉卒怖悸疾走而去孫孫妾墮大蛇猶蜿蜒未死三婦皆無恙

葉南洲妻經閉五月下白或赤午後發熱欬嗽嘔吐醫謂勞瘵陳斗岳視曰兩尺脈皆實此必有孕外受風邪搏激故耳飲清和之劑而安半年生二子

一妊婦四五箇月臟燥悲傷過晝則慘感淚下數次伸象若神靈如有所憑醫與巫者皆無益管先生與仲景大棗湯一投而愈

一孕婦病醫言胎且墮錢仲陽曰妊者五臟傳養率六旬乃更候其月偏補之何必墮已而母子皆全

一婦人阻病愈治愈逆因思金匱如吐下者絕之之言遂停藥月餘自安

一孕婦七箇月胃膈飽悶氣喘忽吐出一物如小腸寸許舉家驚疑其胎爛程文彬至診得寸口脈洪滑知其氣盛血少胎氣湊上中焦畜有濕熱濕生痰知所吐之物乃痰結聚病名子懸以紫蘇飲加苓連貝母十劑獲痊

王祠部安人孕三月腰腹連痛漏下不止氣湧脹悶延江應宿診視六脈弦數平昔脈極沉細此必怒動肝火挾相火而生內熱喜脈不滑未至離經猶可保也以條苓白朮枳殼香附茯苓阿膠白芍當歸陳皮煎調鹿角燉酒淬細末一錢更進抑青丸一服痛已數劑平復

給事游讓溪夫人經事不行嘔噦眩運飲食艱進醫以爲二陽之病發心脾女子不月法在不治江瑾診之尺脉雖小按之滑而不絕此妊而惡阻非凶候也用六君子加砂仁數服而安

一婦懷妊八月忽病腰痛不能轉側大便燥結醫用人參等補劑痛益甚加用硝黃通利之藥燥結雖行而痛如故汪石山診之脉稍洪近駛曰血熱血滯也宜用四物加木香乳沒黃蘗火麻仁煎服四五貼痛稍減燥結潤復加發熱面赤或時惡寒仍用前方去乳香沒藥加柴胡黃芩服二貼而寒熱除又背心覺寒腰痛復作汪曰血已利矣可於前方加人參一錢服之而安

一婦妊娠三箇月因閃挫傷胎腰痛小腹痛下血內有熱江寧南用當歸白朮黃芩熟地川芎防風砂仁中艾葉上香附下水煎服血止小腹不痛去砂仁又用雞子黃三箇以酒攪化煮熟食之即痊

一婦常患橫生倒產七八胎矣子皆不育汪石山診其脉皆細澀頗弦曰此氣血兩虛兼熱也或曰氣血有餘方成妊娠氣血既虧安能胎耶觀其形長而脉細澀屬於氣血兩虛色青脉弦屬於肝火時熾而兩尺浮滑似血虛爲輕而氣虛爲重也宜以補陰九除陳皮倍加香附參芪蜜丸服之常令接續踰年臨產果順而有一子

一婦長瘦色黃白性躁急年三十餘常患墮胎已七八見矣汪石山診其脉皆柔軟無力兩尺雖浮而弱不任尋按曰此因胎墮太多氣血耗甚胎無滋養故頻墮譬之水涸而禾枯土削而木倒也况三月五月

正屬少陽火動之時加以性躁而急發之故墮多在五七月也宜大補陰湯去桂加黃蘗黃芩煎服仍用研末蜜丸服之庶可保生服半年胎固而生二子一婦形質瘦小面色近紫產後年餘經水不通首夏忽病嘔吐手指麻痺拳不能伸展聲音啞小嘔不出聲醫者皆視爲風病危之汪石山診之脉皆細微近滑曰此妊娠惡阻病也衆謂經水不通安有妊娠汪曰天下之事有常有變此乃事之變也脉雖細微似近於滑又尺脉不絕乃妊娠也遂以四君子加二陳治之諸證俱減尚畏粥湯惟食乾糕香燻之物而有生意

一婦年近三十形色瘦白素時或欬嗽一兩聲月水或前或後夏月取涼遂欬甚不能伏枕者月餘嗽痰中或帶血或兼膿嗽急則吐食醫用芩連二陳不效復用參芪等補藥病轉增汪石山診之左脉浮滑右脉稍弱而滑動傷手腕掌不能伸右脉似難憑矣乃以左脉驗之恐妊兼肺癰也遂以清肺泄肺之劑進之三服而能著枕痰不吐膿不咯惟時或惡阻汪曰此妊之常病也教用慈苳仁白朮茯苓麥冬黃芩阿膠煎服病減月餘復爲診脉皆稍緩而浮曰熱已減矣但吐紅太多未免傷胃教用四君子加陳皮黃芩枳殼煎服調理妊至六月食雞病作却難而愈至九月病又復作聲啞令服童便獲安汪曰產後病除乃是佳兆病若復作非吾所知月足而產脾胃病作加泄竟不救

中丞許少秋向令金壇時夫人胎漏療治不止時迫於上公欲因其勢遂下之謀於余余但令服佛手散

以爲可安即安不可安即下順其自然而已既數服公憂疑不決女科醫者檢方以進乃用牛膝一兩酒煎服謂牛膝固補下部藥耳用之何害公遂信而服之而胎果下余時有從母之戚未及知比知而馳至則聞盈庭皆桂麝氣蓋因牛膝既下許醫又進香桂散矣血遂暴下如河決流行不止亟煎獨參湯未成而卒公哀傷甫定而過余舍且諭余曰牛膝補藥而能墮胎何也余對曰生則下而熱則補故破血之與填精如箭鋒相拄豈獨牛膝哉鹿角亦墮胎破血而煎爲白膠則安胎止血因其熱而昧其生此之謂粗工公嘆恨無已余故特著之以爲世戒

一妊婦六七箇月患瘧先寒後熱六脉浮緊醫用柴胡桂枝無效余曰此非常山不愈衆醫難之越數日疾甚乃從余治以七寶散一服瘧黃帝問婦人重身毒之奈何岐伯曰有故無殞帝曰何謂也岐伯曰大積大聚其可犯也衰其大半而止誠審藥物之性明治療之方何疑攻治哉

醫貫曰一孕婦瘧痢齊發醫治兩月餘瘧止而痢愈甚又加腹痛飲食少進延余視之余曰虛寒也以補中益氣加薑桂一服痢止大半再一服而反加瘧病大作主人驚恐余曰此吉兆也向者瘧之止乃陰盛之極陽不敢與之爭今服補陽之劑陽氣有權敢與陰戰再能助陽之力陰自退聽方中加附子五分瘧痢齊愈大服補劑越三月產一子產後甚健

黃嗣紀要曰羅田典史熊鏡妻有娠先於五月病熱請女醫朱廷和治之變瘧又請萬元獻壬子舉人治之加痢至八月瘧痢並作請師調治診其脈左手沉